

02 簸仔店

蔡櫻華

細漢的時陣，阿母定定恁我去揣躡佇鹽埕埔的外公。外公開簸仔店，外口有掛一塊鴨綠色、淡薄仔落漆的薰酒專賣圓形的鐵牌仔。光映映¹的店內啥物都有咧賣，厝邊隔壁煮菜的時無鹽抑是無豆油，就會叫厝裡的囡仔來遮買。簸仔店內底囡仔愛食的四秀仔嘛真濟：樹奶糖、金含、鹹酸甜、牛奶餅、塗豆糖……。見擺外公若問我講：「阿華，欲食糖仔無？」我攞會真歡喜大聲喝講：「好啊！」阿母會共我擋，講彼是外公欲提來賣的。外公總是笑講：「無要緊啦！囡仔愛食就予伊食，無差彼幾箍銀啦！」這個時陣阿母就會佇邊仔惹惹唸，講外公傷倖孫。外公干焦笑笑摸我的頭。我因為有糖仔通食，感覺真滿足。心內嘛希望家己大漢的時陣會使佻外公全款開一間簸仔店，予我的孫有糖仔通食。

彼當陣簸仔店誠時行，干焦外公厝附近就有兩三間。我佻小弟、阿芬猶有潘的攞會走去外公厝後彼條巷仔的簸仔店買「養樂多冰」，熱天食真正是透心涼，予人心花開。嘛會行去鹽埕國小閣過去的巷仔內彼間簸仔店抽獎。若是提著鬥字獎，全款的字總是鬥袂峇，一直鬥袂著「臺」、「灣」、「是」、「寶」、「島」抑是「義」、「賊」、「廖」、「添」

「丁」。每擺外公予我的銀角仔，總是投資佇彼註死永遠祛袂著的第五字。

我嘛真佻意去彼間簸仔店買物。有時共頭家娘講我欲買十粒糖仔，伊就會對櫥仔頂提紅蓋的桶仔落來，蓋掀開，對內底提糖仔，一粒一粒囡佇我充滿期待的手內。我心肝內嘛綴咧算，一粒、兩粒……佇我的手內疊一粒細粒山，了後我就足歡喜共糖仔囡入去褲袋仔內底，擲十箍予頭家娘。簸仔店外口有一台大冰櫥，內底有真濟枝仔冰，我佻小弟躡躡尾，共頭直欲栽入去冰櫥內揀想欲食的冰。梅仔的看起來真好食，啊毋過芋仔的嘛袂稔呢！「正陽，你買梅仔的、我買芋仔的，按呢就攞食會著矣！」做阿姊的我就真壓霸替小弟決定，閣來就那行那食轉去厝裡。

去外公個兜厝邊的簸仔店買物件，成做是我永遠攞會記佇心肝內的記持。

¹映(iànn)